

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: EPiti Toata i te Matahiti.

Nu. 7

Tiurai 1934


Mat. 28

“Ia faaturahia te mau taata atoa i roto i to'na ra toroa,
mai te mau faatere hau, e te mau haavâ; o tei maitihia ei
paruru i te mau taata hape ore, e oia atoa ia faahapa i te mau
taata o te faahapa i te ture; e ia faatura te mau taata atoa ra
i te mau e tia'i.” B. F. 134:3, 6; 101:76; 124:3,,5; Tito 3:1.

Tihoti Alebereta Semita.

E huaai o Tihoti Alebereta Semita no Edward Win-
slow, o te hoê ia no te pūpū taata matamua o tei tae mai i te
fenua Amerika na nia i te pahi “ Mayflower ” i roto i te ma-
tahiti 1620 ua riro ratou ei mau, taata faatere hau, e e roo
maitai to ratou i te mau vahi atoa i te fenua Amerika, e oia
atoa, Tihoti â Semita, ua pee atu oia i te faatereraa a to'na
mau tupuna, e ua roaa mai ia'na te ite e te paari, e ua rahi
te ohipa fifi ta te Hau Amerika i tuu i roto i to'na na rima,
e ua oti taua mau ohipa mai te maitai e te nehenehe, e ua
faarii mai oia i te haamaitairaa o te Hau no te reira mau
ohipa.

Ua fanau mai Tihoti â Semita i Roto Miti e e



TIHOTI ALEBERETA SEMITA

tamaiti oia, na John Henry Semita, te hoê no te Peretiteni raa no te Ekalesia i te taima i pohe ai oia, e no Sarah I Semita. Ua haere Tihoti â Semita i te mau haapiiraa rahi no te fenua e te mau mahana aita i faaterehia te haapiiraa, ua rave oia i te ohipa i roto i te fare toa, e na roto i to'na itoitō ra ua riro oia ei taata faatere no tana fare toa ra.

I te matahiti 1898 ua maitihia oia e te Peretiteni no te Hau Amerika ei taata farii moni no te tufaa fenua Utaha e i te matahiti 1902 ua maiti faahou hia oia e te Peretiteni apî no te Hau ia rave faahou â i tana ohipa ra.

Mai te matahiti 1913 e tae no'atu i te matahiti 1918 o oia te Peretiteni no te Sotaiete Faaapu no te mau Hau i te fenua Amerika. I te matahiti 1919 ua maitihia Tihoti â Semita e te Tavana o te tufaa fenua Utaha ei mono no te Hau i roto i te hoê putuputuraa i faaterehia i te oire London i te fenua Baratane.

I te 6 no Atopa i te matahiti 1903 ua maitihia oia ei Aposetolo no te Ekalesia A Iesu Mesia i te Feia Mo'a i te Mau Mahana Hopea nei. O oia atoa te Peretiteni rahi no te Feia apî no te Ekalesia.

E e haamana'o hia oia e te ohipa ta'na i rave, e te mau taata apî atoa e tae roa'tu i to ratou poheraa. Aita tatou e ite i te mau taata tei topa i roto i te ino, e na roto i te aroha e te here o to tatou taeae, ua faarue ratou i te ohipa ino e ua rave i te ohipa maitai, te haere noa nei oia i tera vahi e i tera vahi ia tauturu i tei roohia e te peapea e te ati.

To'na haapao raa, e haapaoraa no te mau mahana atoa ia, e ere ia, no te mahana Sabati ana'e. Teie to'na hinaaro rahi i roto i teie oraraa, e te tumu e haamaitai hia to'na io'a e te mau taata o tei farerei ia'na ra. *E faaite atu vau ia outou, o te huru ia o to te mau melahi a te Atua ra oaoa, ia tatarahapa te taata hara haê ra. (LUKA 15; 10)*

Teie te hoê parau faaroo tei papaihia e to'na iho rima ei avei'a no to'na haere raa i roto i teie nei ao.

Te hinaaro nei au ia riro vau ei hoa no te mau feia hoa ore, e ia noaa to'u oaoa na roto i te tautururaa i te feia vêvê. Te hinaaro nei au ia haere e farerei haere i te feia i pohe i te mai e tei peapea, e ia faatupu, i roto ia ratou, te hinaaro i te faaroo ia ora ratou. Te hinaaro nei au e haapii i te parau mau i te mau taata atoa, ia noaa ia ratou te ite e te haamaitairaa. Te hinaaro nei au ia imi i te feia faaroo paruparu e e tamata i te faahoi ia ratou i roto i te hoê oraraa tia ra e te oaoa hoi. Eita vau e titau, na roto i te puai, ia ora te taata mai te au i to'u nei mau mana'o, area ra e here vau ia ratou e tae noa'tu i te taime e rave ratou i te mea maitai. Te hinaaro nei au ia amui to'u oraraa i to te huiraaatira, e ia tauturu ia ratou i roto i ta ratou ra mau ohipa, ia tia ia ora ratou ma te oaoa. Eita vau e titau i te parau faateitei a te mau taata no'u iho, no te mau toroa rarahi, e e patoi atoa vau i te mau parau haapopou no te mau hoa feruriraa ore. Eita vau e hinaaro ia faainoino i te hoê noa a'e taata na roto i te ite, e tae noa'tu i te taata tei hapa ia'u, area ra e titau vau i te maitai no'na ia riro oia ei hoa no'u.

Te hinaaro nei au ia upootia i nia iho i te nounou e te pohe hae, e ia oaoa ite manuiaraa o te mau tamarii atoa a te Atua. Eita vau e hinaro ia riro ei enemi no te hoê noa'e varua e ora nei. Na roto i to'u ite e, ua tuu mai te Faaora o te mau taata atoa, te ravea hoê roa ra ia faatupu e ia faaoaoa ia tatou, i roto i teie nei oraraa e i te orara a muri'atu, te mana'o nei au e, e erei te utu'a, e haamaitairaa ra, ia haapurara vau i teie parau mau.

E parau nehenehe roa teie parau, e te mau taata o tei ite ia'na, ua ite ratou e e tapae teie Taeae i te vahi hanahana e faarii oia i te utua maitai, no te mea, no'atu te vero, te miti te matai e farereihia e tatou i roto i teie nei ao, ia faaterehia to tatou pahi mai te au i teie avei'a e tae ihoa â i te tipaeraamau.

A rave tatou i teie Avei'a na tatou i roto i to tatou tereraa i roto i teie ao.

Papaihia e Leroi Marori.

Te Faautu'araa i te Taata

Te na ô mai nei te tahi haapiiraa a to te ao nei: E farii te feia parau tia i te utua hoê, e ô ratou paatoa i roto i te parahiraa hoê i roto i te basileia o te Atua ra. E na reira atoa te feia parau tia ore, e farii ratou i te utua hoê e e o ratou paatoa i roto i te parahiraa hoê i roto i te basileia o te diabololo.

Hoê anei teie haapiiraa a to te ao nei e te haapiiraa na Iesu e ta'na mau Aposetolo? Teie nei a hi'o tatou i ta ratou mau haapiiraa, oia hoi te mau haapiiraa a Iesu e ta'na mau Aposetolo.

E mea nahea te faautu'araa i te taata? Teie ia: e faautuahia te taata mai te au i ta'na ohipa i ravehia i nia i te ao nei. A hi'o tatou i te Roma 2:6-7; Apk. 20:12; 2 Kor. 5:10. Ua ite papu roa tatou atoa e mea huru ê roa te ohipa a te tahi taata i te tahi i to ratou oraraa i nia i te ao nei. No reira e homa ua ite tatou i teie nei, aore e ravea ia faautua te feia parau tia i te utua hoê e aore atoa e ravea ia faautua te feia parau tia ore i te utua hoê, area ra e roaa mai i te taata te utua mai te au i ta'na ohipa i rave ra.

E teie nei a hi'o tatou i te mau haapiiraa a Iesu e ta'na mau Aposetolo i nia i te parahiraa, aore ra te basileia no te taata i roto i te basileia o te Atua i te ao ra. Te na ô maira te parau a Iesu e, "E rave rahi te parahiraa mau i te fare o tau metua ra; ahiri aita ra, ua parau atu vau ia outou. Te haere nei au e haamaitai i te hoê vahi no outou." (Ioane 14:2.3.) E homa ua faaite papu roa teie parau ia tatou, te vai ra te mau basileia e rave rahi i roto i te basileia o te Atua ra. Ua tauturu atoa te parau a Paulo ia tatou i teie vahi. "Te mau mea hoi o te rai, e te mau mea o te fenua, e anaana ê ra to te mau mea o te ra'i, e huru ê te mau mea

o te fenua nei. E anaana ê to te marama, e anaana ê to te mahana, e anaana ê to te mau fetia, e huru ê hoi to te tahi fetia i to te tahi i te anaana. Oia atoa te tia-faahou-raa o tei pohe ra, i neneihia ei mea tahuti noa, i faatiahia ei mea tahuti ore'' (1 Kor. 15: 40-42) Ua huru hape te iritiraa no teie irava i te reo Tahiti, area ra ua haamaramarama te Buka Fafa ia tatou. (B. F. S. 76) Ua faaite papu hia i reira te vai ra e toru tufaa rahi, aore ra e toru basileia, i roto i te basileia i te ao ra. Oia hoi, te Tiretiera, te Teretetiera, e te Tiretia, e te vai ra te mau tufaa i roto i taua na tufaa e toru ra. Ua faaitehia atoa i reira o te basileia teitei o te Tiretiera ia, e te hanahana no taua basileia ra mai te huru o te mahana ia. E te piti o te basileia o te Teretetiera ia, e te e te hanahana no taua basileia ra mai to te marama ia. E te basileia haihai hoi o te Tiretia ia, e te hanahana no taua basileia mai to te fetia ia. E teie nei o vai hoi te feia e ô i roto i taua na basileia ra? E teie te pahonora no te reira uiraa: Na te ohipa i ravehia e te taata i nia i te ao nei e faataa, e, o vai hoi te ô i roto i te tahi basileia e o vai hoi i te tahi.

No reira e homa, tei ia tatou te maitiraa i to tatou utua e to tatou parahiraa i roto i te basileia o te Atua i te ao ra. No reira, a rave â tatou i te ohipa a te Fatu, e e titau tatou i te parahiraa i roto i te basileia teitei.

Papaiahia e Ioane.

Te Evanelia a te Mesia

To'na faufaa i pihaiho i te tahi mau Haapiiraa.

Te na ô maira te taata ra o P.R. Christensen e, e ite hia te faufaa o te hoê ohipa, te hoê mea ite apî hia, te hoê haapiiraa, na roto i te mau hotu te noaa maina roto i to ratou faarave raa hia i te ohipa.

Ua haapii te Mesia i te hoê Evanelia faito ore i te nehenehe, i te hoê tau te vai ra te rahi raa o te taata i raro a'e i te huru oraraa barebaro. Ua afai mai oia na te mau taata o te reira tau, e tae noa'tu i te hopea, te paari hau ê e te here mau e tei roto i taua haapiiraa ra te îraa no te titau raa ia maitai to teie nei ao, e ua hau roa'tu te reira i te mau mea tei ravehia e te mau taata paari, te feia feruri e te mau Faatere Hau, no te mea ua parau ratou mai te Mesia i te mau varua, i te hoê tau pōiri, e ua hoa mai te hoê maa hau roa na te mau varua; Ua faatia oia i te hoê hinaaro, ua haapaia i te hoê poia e te poiha, te ore roa e maha i te mau faufaa o te ao nei.

Ua haere mai oia e horoa i te ora i te mau varua o te taata, ua iriti mai oia ia ratou no roto mai i to ratou mau mana'o pae tino; e ua tau i oia i to ratou mata'u i te Atua na roto i te haere raa'tu i taua Atua ra, ua mono oia i te Haava i te hoê Metua; o oia tei farii i te mau taata atoa ei taeae no'na na roto i to'na fanauraa i roto i te tino tahuti paruparu nei e te riro noa i te faahemaraa.

Teie te hanahana o ta'na haapiiraa: ua haapao oia i te reira no'na iho, ua haapao oia i te mau haapiiraa atoa ta'na i tuu ma te faahapa ore i te hoê iti a'e, noa'tu i te mau faahemaraa atoa tei tae i nia ia'na. Ua haere oia i to'na mau taeae e tae noa'tu ua horoa oia i to'na oraraa ei hi'oraa e ei hoo no ratou.

Na roto i to'na na reira raa, ua horoa te Mesia i te hoê haapiiraa hohonu roa i to te ao nei; ua faaite papu mai oia e, e tia i te taata ia imi i te mau ravea no te haereraa i mua e ia riro atoa ei Atua, noa'tu i to'na tino tahuti paruparu. Areara, puai roa te hinaaro o te taata nei i to'na iho huru e i te mau faufaa moe noa e e mea iti roa te taata te maitihia; te mana noa nei te ino, no reira i ore i tia i, i te ao

nei, ia ite i te oaoa mai, te hau e te here oia hoi te mau hotu no te oraraa tei haapaohia mai te au i te faaueraa a te Evanelia.

Ua hau roa'tu te Mesia, i te hoê taata paari tei haapii i te taata.

Ua horoa noa mai te mau taata tei na mua ia'na e tei na muri ia'na, i roto i te reira huru e'a, i tetahi mau haapiiraa tei au i te aau taata.

Area te Mesia ra, ua horoa mai oia i te hoê haapiiraa tei i te paari hau ê tei ore e tia ia tatou ia haroaroa i roto i to tatou mau tino tahuti nei.

Ua na ô mai o "Confucius" te taata hau a'e i te paari o te fenua Tinito, tei ora e pae hanere matahiti na mua a'e i te Mesia: "O te taata te noaa ia'na te ite hope ra, e riro oia ei Atua e tei ia'na te mau mana atoa tei tuu ia'na i rotopu i te mau mana rarahi mau".

Teie tetahi mau vahi huru ê i rotopu i na haapiiraa a taua taata ra o Confucius e to te Mesia, te na ô maira oia; "Eiaha roa oe e rave atu ia vetahi ê i te mau mea tei ore roa i hinaarohia e oe ia ravehia i nia ia oe, e aore ra. A here i to taata tupu mai to here ia oe iho na?" Ua na ô mai te Mesia: "A faaore i te hara a to oe enemi, e hamani maitai atu i te feia e hamani ino mai?" No roto mai te reira haapiiraa i te hoê feruriraa tei hau roa a'e i te huru o te taata nei e tei ore roa e tia i te mau taata atoa ia haapao, maori ra i te mau feia Mo'a mau.

Ua haapao te Mesia i te mau mea atoa ta'na i haapii, e ua ora oia ma te hapa ore

O "Bouddha", o te hoê atoa taata tei faatupu atoa i te tahi faaroo, ua haapii atoa mai oia i te hoê mau parau maitai roa, terara ra ua atea roa ta'na mau haapiiraa i te feruri

pap
hur
mur

mur
haap
e no
i i te

ere i
mea

roo,
taata
te ha
taata
taata

ia hi
te ta
hoê
i te f

area
tiaro
nelia
'Tei r

papu raa. Te titau nei ta'na mau pîpî ia faaore i te mau huru atoa o te feruriraa ia tia ia noa te hoê puai apî e te ora mure ore o te hoê varua ma te tino ore.

O "Mahomet" tei fanauhia e ono hanere matahiti na muri a'e i te Mesia, ua horoa mai oia i roto i te "Toran" i te haapiiraa no te Atua otahi e ua parau oia i to'na mau pipi e, e noaa ia ratou te hoê parahiraa i roto i te hoê Paradaiso tei i i te mau oaoaraa o te tino nei.

Na roto i teie mau parau rii poto te ite nei tatou e, e ere i te mau haapiiraa na te hoê Atua, na te taata ra no te mea te vai ra te mau tapao o te taata i roto.

I rotopu i teie mau taata aita'tu e taata tei hau to'na roo, to'na mana, te puai e te maoro mai ia Iesu Mesia te taata vêvê no Nazareta, no te mea o oia ana'e, te paruparu e te haehaa, tei rave i te ohipa no te haamaitairaa i te mau taata atoa. Eaha ia te huru apî o teie nei ao, ahiri te mau taata atoa e haapao ana i ta'na mau haapiiraa.

No te taata tei ite i te mau haapiiraa êê, e tia ia tatou ia hiopoa papu, ma te hape ore, e tei nia roa a'e te Mesia i te taatoaraa o te mau taata, e aita, aita roa te hoê taata, te hoê Peropheta e aore ra te hoê taata paari o teie nei ao, i tae i te faito o te îraa i te maitai tei taeahia e te Mesia.

Ua huru fatata rii ratou i te vahi tei titauhia e ana, area ra te vai noa nei oia ei hohoa otahi, no te hoê haapiiraa tiaroa; no taua "Logo" tei haamaitai hia e te taata papai Evangelia ra o Ioane i roto i ta'na pene matamua tei na ô mai: "Tei roto ia'na te ora, e taua ora ra totetaataia maramarama".

Papaihia e Marcel Bonnet.

Roto Miti, Utaha, i te 7 no Eperera 1934.

Na to matou mau Hoa i tera pae mai o te Ao.

Ia ora na outou.

Ua tae faahou mai te amuiraa Eperela, e i teie taime ua amuihia te mau Orometua tei ho'i mai nei ia paraparau e ia haamana'o faahou i to matou mau hoa e te mau mea tei tupu i roto i te mau fenua moana ra.

Te oaoa nei matou i teie pô i te paraparauraa i te reo Tahiti e i te himeneraa hoi i te mau himene Tahiti e, e mea puai hoi to matou hinaaro ia hoi atu i Tahiti na e farerei faahou ia outou na.

Te aroha atu nei matou ia outou atoa, e te parau atu nei matou e a faaitoito outou i te ohipa a te Atua.

Papaihia e te mau Orometua tei hoi mai nei.

Teina â Bakera.

Viriamu Tonovera.

Tihoti Toremama.

Eraneta Rositera.

Besi Rositera.

Aneterea Tetamana.

Ioane Orotona.

Taratona.

Ira Hyer.

Atera Hata.

Etuana.

Tihoti e Matarita e te mau tamarii.

Rerani Caravera.

Lui.

Matirita Compton.

Veneta Rositera.

Alama e Ruita.

Harave.

Samuela.

Etera Topera.

Hepera Tefera.

Melavina.

Elavana.

Te Mau Parau Api.

Te Hoê Ati Rahi.

I te fenua Amerika, Baratane, e te tahi atu a mau fenua, ua tupu te hoê ati.

No te itiraa o te hiona o tei mairi i nia i te mou'a i roto i te anotou toetoe i mairi a'e nei. Ua iti roa te pape tei tahe mai no nia mai i te mou'a e te peapea nei to te fenua papaa no te pape ore, e te mau faaapu titona e te tahi atu â mau mea e riro ei faufaa ore, no te mea aita te mau huero i tupu, no te maro o te fenua.

Te Feia Apî.

I te 8 9-10 no Tiunuu nei ua faatiahia te Amuiraa no te Feia Apî i Roto Miti, e ua i roa te oire i te taata apî no te mau vahi atoa e e Amuiraa nehenhe roa ta ratou. I te 9 no Tiunuu i te hora hitu i te pô, ua faaroo matou i Papeete nei na roto i te Radio, i te pupu himene no te Feia Apî no te Ekalesia a Iesu Mesia i te Feia Mo'a i te Mau Mahana Hopea Nei, e te Hamonia rahi, e mea nehenhe roa, e 3000 e tiahaapa taata tei roto i taua pupu ra.

Te Motoraa

Ua tae mai nei te parau Apî, tei faaroo hia no roto mai i te Radio, e tei faaite mai i te huru o te motoraa i tupu i roto ia Primo Garnera, te Champion o te ao nei, e taata Itaria oia. Ua moto oia i te hoê taata Marite Max Baer to'na io'a, e ua viro terei te taata Marite e o oia ia te Champion o te ao nei i teie nei mahana.

Te ohipa Faatairaa pû

Ua haamata faahou hia te ohipa faatairaa pû, i te fenua ra i Takarua, e mea itoitoe roa te Peresiteni ra o Leroi Malori i te haapiiraa i taua ohipa faatairaa pû ra, E mea oioi taua mau taata apî ra i te ite i taua ohipa ra, e mea maere roa te ite oioi raa, hoê noa iho ava'e te maoro raa, e te tere noa nei taua ohipa ra mai te puai e te nehenhe.

E pereoo uira tere mau

Te faaite hia nei i roto i te hoê vea no Amerika e, te opua nei te taata ra o Malcolm Campbell, note fenua Baratanei te haere i Roto Miti, e faatere ai i to'na pereoo uira te "Manu Ninamu." Ua faatere a'enei oia i taua pereoo uira i te tere e 272 maile i te hora, e i teie nei te opua nei oia ia tae oia i te 300 maile i te hora, ia ore oia ia hemo i te hoê taata. E faatere hia taua pereoo uira ra i te 24 no Tiurai e haere mai nei. Te tumu oia e haere ai i Roto Miti no te mea te vai ra i reira, i te pae o te Roto, te miti tei paari roa e tei manina roa.

Tera te huru o taua pereoo ra, e 26' avae i te roa, e 2.500 puaahoro-fenua te puai o te machine, e 4 tane e te afa i te teiaha, to'na mau uaua e 37 initi i te teitei e e 8 initi i te rahi, e e pamu hia te reira i te matai e tae noa'tu i te 120 paunu i te paari. Ia tae te tere o te pereoo i te 300 maile e ohu ia te mau hui ra e 2.300 taime i te minute hoê, e te hoo o taua pereoo ra e 125.000 tara moni marite.

E 30 matahiti to'na matapo raa hia

Te faaite hia nei i roto i te hoê vea no Amerika e, ua vai noa te taata ra o George Owen, e taata ereere ruau roa, 103 to'na matahiti, e 30 matahiti ma te ite ore i te hoê mea. Taua taata ereere ra, ua tanturu oia, i to'na apiraa, i te paturaa i te mau pâ no te mau nuu orurehau i te tamairaa i tupu i te oire Atlanata e 68 matahiti i mairi a'enei.

I teie nei ra, ua ite faahou oia naroto mai i te ravea a te mau taote, ua tapuhia te hoê mata no'na e ua iritihia mai te hoê iri no roto mai i te reira, e i teie nei ua ite faahou oia. E paari mau to te mau taote i teie nei.

Ua maiti faahou hia.

Te faaite mai nei te hoê parau api no New York, e na roto i te hoê ohipa i tupu i reira, ua faahoi te Peretiteni no te tomita paruru i te mau tarahu o te mau hau êê, oia hoi o Raymond B. Stevens i to'na toroa e no reira ua maitihia o J. Reubena Tarati te mono no te Hau Amerika i Mexico ei mono no'na.

O taua taata ra o Reubena Tarati e taata ia no Utaha e o te tanturu piti oia no te Peretiteniraa Matamua no te Ekalesia.

LOUIS DROLLET *Gérant*

L. R. MALLORY *Imprimeur.*

Rue Dumont d'Urville, Orovini, Papeete, Tahiti.